

宋根回節石泥中永葆虛心
冰雪雨春來枝葉更青葱
轉萌

雅堂吟集

朱徽題



世界漢語詩詞大曲全集

重刊市平社書畫社贈

一九五二年十月廿六日

序

人必有一行之彰，一艺之精，一二事之奇，乃能取重于朋友，显名于当世；不然者，即富贵寿考，亦卒与草木同朽而已。闽之东，蕉城之六都，有学会曰一枝春。学会之倡立者曰张帙栋，雅言其号也。喧然名著，卓尔文传，三尺童子，罔不知之。然问其人则病残也；问其地，则乡僻也；问其齿，则未及壮也。余与君交未久，已为其行谊所感动。其待人诚挚，若出肺肝以相见，此其行之彰也。少时以疾，下肢致残，庄周之迷阳，孙子之瞑脚，常人际此，将一蹶而不复振，而君则丁跛躄之日，即励志之年。远慕右军，近规完白，于六书之法，独下苦工，兼得名师指引，浸跻大成，此其艺之精也。且非独为一身谋，复倡为诗书画学会，以抡扬风雅。

意气如云，邮筒走天下，骚人墨客，多与之交。诗伐木之章曰，嚶其鸣矣。求其友声，相彼鸟矣；犹求友声，矧伊人兮；不求友生，神之听之，终和且平。张君哀友生赠作为一帙，取伉俪名各一字，颜曰雅雪吟，梓而传之。其义则嚶鸣求友，其作则和而且平也。吾闻清末洪雯卿殿撰，所以能魁天下得力于内助居多。君之配偶林雪，弗以君之残废为嫌，不远千里，来为之妇，即此一节，已非寻常巾幗所可及。中饋得人，志事必昌，行之彰，艺之精，而事亦甚奇也。继此以往，日进无疆，其必取重于朋友，显名于当世而无疑。岂惟斯集之流通已耶。

送张雅言表侄之师校

上国需才大展时，青年入选最相宜。书追长史光家学，泽绍清河衍旧支。且喜红心摩万卷，终酬素志展双眉。繁花似锦前途远，分袂长吟送别诗。

福建中华诗词学会会员 周 琴

恭贺张帙栋世表侄与林雪女士结婚盛典

(一)

文字姻缘七纸书，陇南女士学当垆。不辞万里红心递，敢托终身素志舒。蕉邑喧传来凤喜，清河健羨钓鲈居。体残觅得多情侣，刘阮天台信不虚。

(二)

青年报上示征婚，翰墨姻缘有凤根。一纸情钟千里至，清河比翼羨鸳鸯。

(三)

佳话奇缘播异闻，钟情岂让卓文君。相如不枉求凰曲，赢得声名万载芬。

福建省宁德市一枝春诗书画学会副会长 周剑虹

五·一前一日

贺张帙栋先生与林雪女士结婚志庆

帙栋林雪结婚志庆（景慎格）

帙内词章白雪吟，栋梁才士遍题襟。林中兰蕙传芳讯，雪里梅花证素心。
结就鸳鸯山海固，婚成秦晋约盟深。志同道合兴家本，庆祝诗待好音。

贵州省锦屏县政协副主席

吴恩荣

诗书万里缔良缘，鼎沸江南美誉传。欲觅爱情真价值，应除陋俗旧羁缠。
人同德曜齐眉日，梅共逋仙照影妍。广阔兰天堪振翮，锦笺炫彩谱新篇。

苏州丝绸工学院中国画硕士

袁牧

陇山闽水蕴情真，千里红妆伴雅人。岂以身残趋沮丧，但凭行洁辟嚣尘。
龙蛇腕底谁能控，星斗胸中自有春。报国有途齐奉献，奇缘雅雪缔朱陈。

福建省永泰县争鸣诗社社长

张维尧

松柏经霜志益高，导余先路劈蓬蒿。忽抛青睞红妆美，得缔奇缘白屋豪。
红拂输心惟李靖，玉箫再世偶韦皋。竹枝轩里春常在，回首天台满碧桃。

福建省福安市城关下园三十五号

缪播青

诗画兼优帙栋师，岐嶷年少众称奇。身虽瘫痪才仍健，境纵艰虞志不移。书学钟王推巨擘，缘如梁孟庆齐眉。生时有幸逢明世，三绝于今远近知。

福安市阳头街察阳路三十九号

林阿庸

明时盛事新风尚，千里三星映夜红。以字求婚欣得偶，将诗作介庆成双。残躯依旧千程聘，妙手真能九鼎扛。爱与凤哥同唱和，青鸾来自白龙江。

宁德市培英街西北路三十一号

马忠周

蕉城独秀一枝春，不以肢残薄此身。艺苑骚坛隆誉望，银钩铁划倍精神。淑媛陇上香车至，雅士闽东汗简新。壮岁名山基已奠，乘槎直溯斗牛津。

中华诗词学会会员 黄良筹

青年报上征婚启，千里赤绳一线牵。塞北梅花开独艳，江南名士气无前。百年好合欢情笃，四海神交雅谊联。从此竹枝毫更健，诗词书画轶前贤。

福建省尤溪县紫阳诗社副社长

陈兰青

雅言书画萃精英，雪里梅花满树荣。吟笔纵横连广宇，好同四海结诗盟。

尤溪县埔东路七十七号

陈兰青

病魔剥夺异人肢，历块攻坚志不移。四壁琴书消暇日，一家盐米困生涯。诗词会友贤声著，楮墨娱身逸兴驰。信是清河新德望，幽闺聊贡里巴诗。

宁德市溪流诗社《溪流》编委

陈银珠

征婚登报远求亲，林雪青眸信绝伦。比翼双飞山海誓，同心一德吉祥臻。一枝春讯传寰宇，百岁良缘证果因。愧我姗姗稽鲤讯，俚诗虔祝百年春。

宁德市八都镇棋盘弄二号

陈银珠

羨君勤奋自成材，一举成名独占魁。铁划银钩颜柳体，锦心绣口马班才。文君远慕求凰曲，温娇亲投玉镜台。雅雪编成珠玉灿，口脂香沁陇头梅。

福建中华诗词学会会员

李明志

岁首鹊音传喜讯，吟坛佳话遍江城。倾心岂怕关山隔，美意终成秦晋盟。向晓群星犹炳曜，迎春百卉更峥嵘。高歌代有人才出，盛世钟虞播正声。

中华诗词学会会员

蔡颖训

山城吟唱岂能忘，初接雄谈齿颊香。沐浴爱河无量福，美人虹映睡鸳鸯。

福建省泉州师专中文系

蔡颖训

习习金风传喜讯，欣闻佳偶本天成。钟情不怕行程远，创业何愁起步平。
引风吹箫来弄玉，闻鸡起舞慕刘生。同心同德同磨砺，笔冢齐眉艺始精。

对联：花烛缔凤世良缘从兹戒旦有人克成素志；
彩笔本吾家旧物此后画眉为妇麝续佳谈。

安徽省宿松县花凉中学 张鸿

羨君刊报广求婚，好合奇缘有夙根。艺苑名从明世显，洞房情向百年敦。
残伤不碍精神旺，磨炼能教志气存。笔下龙蛇千万幅，居然墨沉遍乾坤。

福州三山诗社 陈从遂 陈慕唐

张轶栋林雪贤伉俪（冠顶格）

张喉争唱一枝春，帙幅光芒照八闽。栋宇果为廊庙器，林泉自署葛怀民。
雪姑慧眼知英杰，贤士狂歌亦性真。伉志诗书终有获，伉人闽陇缔良姻。

中华诗词学会会员 林烈火

儿女山村唱竹枝，青衫红袖播传奇。锦笺一幅离飞雁，赢得芳名韵史垂。

福建省永春县蓬壶镇美中村 林烈火

人月圆

彩绳欣结多情女，慧眼识英雄。鱼书一纸，灵犀一点，塞北闽东。
肢残志壮，身强意懒，悄对青骢。词坛绝唱，天人共庆，万古心同。

福建省永泰县蓬壶镇美中村 林列火

小重山

辛苦挥毫学竟成，龙蛇书百态，会双星，无双好事管弦声，难忘处，结
发死生情，风雨缔鸳盟，锦书随雁至，几千里，良宵花烛动江城，弥缺
陷，坛坵播芳名。

香港 林伯良

满江红

帙栋先生，身残废，囊萤映雪。决心大，忍寒经热，长期不辍。笔垒花
妍开万朵，墨香雨洒标三绝。乐尧天，艺苑奋先登，肱三折。是文
豪，真人杰。启来兹，追上哲。有女赋于归，同心喜结。乌鹊填桥迎织
女，蕊宫丹桂凭君掇，贺新凉，月照竹枝轩，光皎洁。

福建省寿宁县南阳诗社 龚厚元

临江仙

书法柳颜诗李杜，江山代有名人。挥毫权伴病中身。截瘫坚意志，练习历艰辛。独处不须愁冷寞，招来无数佳宾。迢迢万里结朱陈。千秋留韵事，妙笔与传神。

八闽诗联常务理事 福安富春诗社秘书长 郭绍恩

醉太平

莫嫌路远，相识日浅，绸缪语比春风软，辇来吹幔卷，生受红情绿意暖。不贪徐淑妆奁满，万里姻缘一线牵，相逢犹恨晚。

福州鼓山诗社社长 董正标

一剪梅

花烛华堂款客忙，箫笙奏澈，脂粉飘香，貂裘锦袄御宵凉，雅雪登楼不尽思量，戈壁六都驿路忙，关山望眼，雁解愁肠，赤绳系足喜情长，十分春意，沁透兰房。

福州鼓山诗社顾问 林鸿英

贺『故乡一枝春』诗事并呈帙栋先生

一枝春讯遍神州，珠玉琳琅缟纈投。点染湖山资彩笔，平章风月举金瓯。身残何碍丘坟索，气壮从知道路遒。此日六都文运盛，奇才后起傲千秋。

福州鼓山诗社顾问 林鸿英

闽都赠我一枝春，云水苍茫日满轮。雁荡峰奇迎墨客，江心塔古向骚人。羨君绣虎开前路，愧我续貂步后尘。孤陋自知难入彀，人生投合在精神。

上海交通大学申瓯纺织器材厂厂长 黄永强

故乡一处一枝春，万壑千岩尽好音。佳句结晶成百宝，奇葩独秀值千金。芳樽檀板常投辖，流水高山且鼓琴。战胜病残超海迪，文词书画冠当今。

湖北省黄石市电大校长 吴晶

帙栋君遥惠《故乡一枝春诗集》喜赋一律致谢

遐方忽惠一枝春，顿觉盎然耳目新。已藉虬松添气概，更凭斑竹托精神。他山绿润撩情甚，故里红酣入梦频。坚忍达观生命谛，诗人境界自嶙峋。

中华诗词学会会员 柯哲为

捧读《故乡一枝春诗集》兼颂张帙栋同志

一枝春自故乡来，簇簇新花笔底开。珠现不愁明月尽，张君信是弄潮才。

湖南省涟源县漆树乡万寿村 黄寿田

雅言霏玉气清新，万里风光眼底陈。我亦因之跻闽海，故乡遥寄一枝春。

湖南省邵东牛马司煤矿开拓技术科 蒋春涛

一枝春讯巧心思，四海咸钦藻采奇。愧我才疏陪末座，愿踪人后探珠玑。

广东省吴川县振文镇梁屋小学 梁冠亚

帙栋身残志不残，书山萃律勇登攀。外如保尔中新我，初探唐碑后柳颜。

飞鸟出林众仙下，惊蛇入草怒猊蟠。愿书笺绢成千幅，墨迹斓斑遍九寰。

中国楹联学会会员 安徽松滋诗会会员 孙皖樵

截瘫六载等闲过，墨苑风流费揣摩。百折不挠心益壮，英雄那怕病来磨。

接《故乡一枝春诗集》低徊络诵启发弥多，受益匪浅，感而赋诗

开新风气孰传薪，风月平章笔有神。春讯一枝花万朵，论功应念育花人。

安徽省望江县麦园乡茗山村 孙皖樵

奉赠张帙栋同志

雅言先生幼年时，同令祖张老名中医与余曾会面于赣
坂医院，今雅言截瘫能承先志，成名成家，滋可喜也

昔逢令祖鉴湖东，已讶君家艸角聪。脱颖才堪伴绣虎，截瘫志亦欲屠龙。
潘江陆海胸中蕴，铁划银钩纸背功。更羡陇南林淑女，赤绳远系喜相逢。

宁德市漳湾镇岐头路三十八号

林庆祺

张子身残志却殊，芸窗雪案苦攻书。愧余罢舞无长袖，慕汝藏胸有智珠。
小隐君平聊卖卜，赏音卓女且当垆。同心同德兴家本，更羡鸛鹏有远图。

宁德市漳湾镇老人会

刘腾雨

身罹残疾，心仍充实。矢志不渝，苦练毛笔。日以继夜，自强不息。
笔走龙蛇，墨香横溢。书坛竞秀，屡获佳绩。百尺竿头，再加努力。

宁德市卫生局

章允芳

张君书法众推崇，诗画文章色色工。翰墨结缘偕伉俪，美人颜色古人风。

宁德市大华路华边弄一号

林家树

帙栋先生志气高，身残依旧逞英豪。克服困难创伟绩，更为四化立功劳。

连城残联副主席 姑田农民诗社社长 华钦进

髯公治臂奕从容，张子身残亦志雄。艺苑栽花芳四溢，独攀泰岱创新风。

福建省连城县姑田镇农民诗社 华秩彬

和煦春风万象妍，人生难得喜相连。雅言真挚花飘雪，一线情牵万里缘。

福安市政协富春诗社秘书长 陆展章

兼葭倚玉黯神伤，思美人兮天一方。却借萧郎盈尺竹，箫声吹引得金凰。

宁德市戚继光公园理事 彭慕尧

书画诗词集一家，发扬国粹振中华。身残独奋凌云志，艺苑居然作探花。

江西省武宁县人民医院 刘炯夫

杏坛方驾又同庚，两地心仪若弟兄。我羨风骚吟雅雪，一枝春绽满园荣。

福建中华诗词学会会员 李林洲

伟男奇女播芳名，太姥祁连万里情。帙栋诗心暖林雪，一枝春里听鸣莺。

福州侨中 李林洲

(一)

名郡清河信不群，知医习武又通文。发扬壮志光家业，恰似蛟龙际雨云。

(二)

一代名医故里传，清河祖上绍南阳。文孙更有钟王志，不朽声名海内扬。

(三)

雅雪诗章又播扬，征婚佳话永流芳。有缘千里能相会，不隔盈盈水一方。

(四)

碧岩山下一奇葩，琴剑姻缘万口夸。无怪有花生彩笔，江郎以后数君家。

福建省宁德市六都飞竹村
朱玉新

(一)

万里姻缘一线牵，这般媒介史无前。天公特赐双英合，并蒂莲开玉比肩。

(二)

画眉夙愿已能酬，落笔珠玑孰与俦。极目琳琅殷仰止，芳龄相若志相投。

福建省宁德市六都陈厝村
陈邦国

(一)

铮铮铁骨敢凌霜，帙栋书家意志强。一自良缘谐雅雪，春风远送竹枝香。

(二)

赓酬雅雪发长吟，春暖骚坛尽向心。难是病残能振作，儒林墨宝灿如金。

福建省寿宁县斜滩诗社
缪存忠

(一)

惺惺自古惜惺惺，卓女私奔为听琴。张子肢残能自奋，阆南有美结同心。

(二)

天外知音情义重，和衷共济好仪容。相庄鸿案同甘苦，山海盟坚意更浓。

(三)

一枝独秀映芸窗，信有情魔不可降。雪里梅花香在骨，风流佳话世无双。

(四)

励志图强播远名，张君翰墨天功成。联珠缀玉尤精妙，愿向程门作学兵。

广东省吴川县振文镇梁屋小学
梁冠亚